



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 1. & 2. Vtrum totus Christus ssit in hoc sacramento sub vtrauis
specie.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

QVÆSTIO LXXVI.

De modo quo Christus est in hoc Sacramento.

In Octo Articulos diuisa.

ARTICVLVS I. & II.

Virum totus Christus sit in hoc Sacramento sub utraque specie?

Respondetur, Totus Christus, scilicet Corpus, Sanguis, Anima, Vnio hypostatica, & Diuinitas, sive Verbum, existit sub specie panis, & sub specie vini. Est fide tenendum.

Probatur Primo, Ex Scriptura Ioannis 6. vbi Dominus ait, *Ego sum panis viuus. Qui manducat me, ipse viuo propter me: ergo totus Christus est panis in Eucharistia.*

Probatur Secundo, Ex Concilijs. Primo, Ex Concilio Ephesino apud D. Thomam, Secundo, Ex Concilio Constantiensi fest. 13. Firmissime credendum integrum Christi Corpus, & Sanguinem tam sub specie panis, quam sub specie vini, utraceriter contineri. Tertio, Ex Concilio Florentino. Totus Christus continetur sub specie panis, & totus sub specie vini. Quartodo, Ex Tridentino fest. 13. can. 3. *Si quis negaverit in venerabili Sacramento Eucharistia, sub unaquaque specie, & sub singulis cuiusque speciei partibus separatione factam, totum Christum contineri, anathema sit.*

Ex Partib. Probat Tertio, Ex Patribus, qui docent Christum esse in hoc Sacramento, in eoque sumi; & hoc Sacramentum esse adorandum: Carnem quoque & Sanguinem Christi in hoc Sacramento habere vim viuificatricem, propter unitam diuinitatem. Vide Cyrillum Catechesi 4. Ambrosium cap. 9. de ijs, qui Mysterijs initiantur.

Ratio af. seconis. Probat Quarto, Quia diuinitas numquam fuit separata a Carne vel Sanguine Christi, ex quo illa assumptis. Anima quoque & Sanguis non amplius separabuntur a Corpore post eius resurrectionem. Vbicunque ergo Corpus Christi est, ibi etiam oportet Sanguinem, Animam, & Diuinitatem esse unitam: & similiter ubi Sanguis, ibi etiam oportet Corpus, Animam, & Diuinitatem unitam esse: hec enim nunquam amplius debent separari: *Christus enim resurgens ex mortuis, iam non amplius moritur,* ad Rom. 6. v. 9. Ita Concilium Tridentino fest. 13. c. 3. Quod vt melius intelligatur:

Quid si, esse in hoc Sacramento ex vi Verborum, vel Concomitantem.

in triduo mortis consecrassent, sub specie panis non fore nisi Corpus, & Diuinitatem; sub specie vini Sanguinem & Diuinitatem.

Hic tamen aduerte Primo. Hanc concomitantiam non esse talem, vt per diuinam potentiam hec seorsim ponit nequeant: quamvis enim partes Domini nunquam amplius sint separandæ in celo, & in formâ naturali; posset tamen Deus sub specie panis seorsim ponere Corpus, sine Sanguine, & Anima; & sub specie vini seorsim Sanguinem, sine Corpore, & Animâ; atque etiam sine vnione hypostatica. Ratio est, Quia etsi unum ex ijs replicetur; non est necesse replicari alterum, sine quo illud potest existere. Sicut, etsi Christus in celo habeat extensionem secundum locum, tamen in Sacramento non habet.

Aduerte Secundo. Ea quæ directè, & quæ concomitantem ponuntur in Eucharistia, non eadem simpliciter actione ponit: cum enim sint res distinctæ, necesse etiam est distinctis actionibus, quæ intrinsecæ ad illas terminantur, replicari. Alia igitur est actio, quæ Corpus ibi ponitur; alia, quæ Sanguis; alia, quæ Anima; alia, quæ Vnio-hypostatica: etsi actione.

hæc omnes quodammodo vnam actionem componant.

Dicte, *Quomodo ergo dicuntur Sanguis, & Obiectio.*

Anima esse sub specie panis per concomitantiam, cum ex naturâ actionis, qui ibi ponitur Corpus, non necessariè comitantur? Respondeo, Ex ordinatione diuinâ: quia statuit Deus, vt nullo unquam in loco post resurrectionem Corpus à Sanguine, vel Anima, vel Diuinitate separetur; sed hæc semper & vbique sint coniuncta: id enim tūm naturis rerū, tūm dignitati Corporis Christi erat consentaneum, quod postulat, vt vbique sit viuum, viuificum, & perfectum. Viuum, per Animam: viuificum, per Diuinitatem unitam: perfectum, omnibus suis partibus & ornamentis. Vnde vbiunque ponitur Christi Corpus, ibi etiam ponitur simul per admirabilem illam actionem Anima, Sanguis, & Vnio hypostatica; imo etiam spiritus vitales, & animales, & alia intra Christi Corpus in celo contenta, quæ ad eius perfectiōrem & operationes sunt necessaria.

DVBIVM I.

Quid præcisè includit Corpus, quatenus est hic ex vi verborum?

Suppono, Non includere solam materiam, vt quidam dixerunt: quia materia non est corpus humanum, aut humana caro. Atqui corpus hic accipitur pro corpore humano, & carneo. Neque etiam solam materiam cum forma corporeitatis, tūm quia talis forma, quæ præcisè dicitur esse corporeum, non est: tūm quia, etsi esset, non sufficeret ad corpus humanum. Neque etiam includit animam, quatenus dat esse corporeum: quia Concilium Tridentino fest. 13. cap. 3. expreſſè docet, *Animam ibi esse, non ex vi verborum, sed solam per concomitantiam.*

Kkk iii His pos-

114 Qu.76. De modo quo Christus est in hoc Sacramento. A. I. D. I. 2.

⁹ Opinio docet Corpus hic includere animam, sed formam substantialiem, quatenus dat esse humani corporis: hanc autem formam praescindere secundum se ab animâ humanâ, & formâ cadaveris: tamen in re esse alterutram. Ita pleriq; Thomista.

Refutatur. Sed contrâ: Forma substantialis sic abstractè considerata, non est producibilis; nam omnis productio necessariò terminatur per se primò ad aliquod individuum certa speciei: sed forma substantialis sic præcisè considerata, non est certa speciei, nec individua: ergo non est producibilis; ergo non est hic ita præcise ex vi verborum.

Respondent: Aliud est esse in Eucharistia ex vi verborum; aliud est ibi ex efficacia verborum: nam esse ibi ex vi verborum, nihil est aliud, quam esse ibi quia veritas verborum id præcisè postulat: Esse autem ibi ex efficacia verborum, est, esse per actionem realen verborum. Vnde dicunt ex vi verborum esse ibi Animam, vel formam cadaveris, non secundum ratione specificam; sed præcisè ut constituit corpus humanum; tamen ex efficacia verborum, esse ibi totam animam secundum omnes suos gradus; vel totam formam cadaveris.

Verba Sacramentorum id efficiunt, quod significant; nam tota ratio efficiendi est ipsa significatio: ergo, si anima vt anima, non est ibi ex vi significacionis verborum, neque etiam erit ex efficacia verborum; quia efficacia non potest se extendere ultra significacionem; aliquo etiam viuo hypothistica esset hic ex vi verborum. Secundò, Quia non est aliquis gradus genericus communis animâ & formâ cadaveris, quo constitutatur corpus humanum: nam corpus humanum viuum & mortuum æquuocè dicitur; nec in aliquo genere propinquo conueniunt. Tertiò, Quia hinc sequetur nomen corporis æquuocè accipi, in forma confectionis: nam non accipitur pro corpore viuo vel mortuo determinate; sed indifferenter, ut extendit se ad utrumque. Vnde ultrius sequitur, non idem corpus per consecrationem esse modo in Eucharistia, quod olim fuisset in triduo mortis, si Apostoli tunc consecrassent. Et, non est idem, quod olim iacuit in sepulchro. Quod est contra Ambrosium lib. de his qui Mysteriis initiantur cap. 9. Denique sequitur, transubstantiationem, qua nunc fit, esse diuersae speciei ab ea, qua facta fuisset in triduo mortis.

6 Altera igitur sententia, qua verissima videtur, est: Corpus solùm includere formas partiales partium heterogenearū; vt formam ossis, carnis, nerui, cartilaginis, cerebri, iecoris, cordis; & reliquarū. Probatur, Nam certū est Corpus Christi, vt est in Sacramento ex vi verborū, confitare carne, osse, neruo, &c. Ioannis 6. præcisus hisce à ratione viui & mortui. Atqui caro, os, cerebrum, &c. nō videntur solis accidentibus diffire, sed etiam Caro, Ossa, &c. differunt formis, imperfectis tamen, & preparatorijs ad formam sublimiorem, scilicet animam; vt docent omnes Medici, quibus hac in re est maximè credendum. Nam corpus humanum non solùm anima est receptaculum, sed etiam instrumentum: ergo has formas includet. Quæ sententia longè dignior est Corpore Christi, quam altera, quæ formam cadaveris introducit; quam etiam dicit hypostaticè unitam in triduo mortis; & futuram fuisse in Sacramento,

si quis Apostolorum in triduo mortis celebrasset. Simili modo sanguis formam suam habet, qui hic est ex vi verborum.

Petes, Vtrum Sanguis hic sit per modum continui, an discreti?

Respondeo, Nunc Sanguinem, tam sub specie panis, quam sub specie vini, esse diuisum secundum distinctionem venarum & arteriarum, quibus in Corpore Domini continetur. Ratio est, dum concordia non est extra naturalia sua vasa. Quod si in huiusmodi triduo mortis facta fuisset consecratio, quando creti, Sanguis varijs locis sparsum erat, credibile omnino est, illum Sanguinem futurum fuisse per modum continui; quia fuisset extra naturalia sua vasorum, quibus separatur. Locorum autem exterritorum distinctione non necessariò debuisset seruari; quia loca ipsa non erant ponenda in Eucharistia. Simile fuisset in particulis Corporis, si ante incarnationem hoc mysterium fuisset institutum. Etsi enim particula illa infinitis locis extra Sacramentum dispersæ fuissent, tamen eadem particula in Sacramento fuissent continua & unita.

D V B I V M II.

Vtrum Verbum diuinum sit in Eucharistiâ per concomitantiam, an ex vi verborum?

R Espondeo: Per concomitantiam. Colligitur ex Concilio Trident. sess. 13. cap. 3. vbi in finiatur solum Corpus esse sub specie panis; & ut, solum Sanguinem esse sub specie vini ex vi verborum; cetera vi connexionis cum his. Diuinitas, Vrgetur inquit, ibi est proper admirabilem eius cum corpore, & ex verbis anima hypostaticam unitam; ubi per diuinitatem in Concilio Trident. intelligit ipsum Verbum diuinum, quod per se primò unitur corpori & animæ. Quod si diuinitas est ibi solum ob unionem cum corpore, & anima: ergo non ex vi verborum, sed ob connexionem, quam habet cum eo, quod ibi est ex vi verborum: ergo concomitanter.

Dices, Verbum diuinum ait; Hoc est Corpus meum: ergo significat expressè hoc Corpus esse unitum hypostaticè Verbo: ergo Verbum est ibi ex vi verborum confectionis.

Respondeo, Si ita expressè dixisset: Hoc est Corpus meum hypostaticè unitum; vel Hoc est Corpus Filii Dei; non esset dubitandum, quia diuinitas hic esset ex vi verborum; nam proprietas verborum postularet, ut Corpus, quatenus est in Eucharistia, sit unitum diuinitati. At non ita dixit, sed solum: Hoc est Corpus meum; per quod tantummodo significatur identitas Corporis, quod est in Eucharistiâ, cum eo quod in formâ suâ naturali est unitum Verbo; non autem quod illam unionem etiam habeat in Eucharistiâ: nam et si poneremus in Eucharistiâ non esse unitum Verbo; tamen verum erit dicere: Hoc est Corpus meum.

Hinc colligitur etiam Patrem & Spiritum sanctum esse in hoc Sacramento concomitanter; sed Pater & Spiritus sunt ibi peculiari modo ex connexione cum Verbo in diuinitate; quæ est concomitantia medietaria. Omnia tamen hæc ibi verissimè sunt, & perfectissimè.

ARTI-